



სსიპ „საზოგადოებრივი მაუწყებლის“ სატელევიზიო პროდუქციის სამცხე-ჯავახეთის რეგიონში
(ქ. ნინოწმინდის ტერიტორიულ საზღვრებში) მეტრულ ან დეციმეტრულ სიხშირეზე
ტრანსლირების მომსახურების შესყიდვა.

ელექტრონული ტენდერის

სატენდერო დოკუმენტაცია

კლასიფიკატორის კოდი № 92220000 – სატელემაუწყებლო მომსახურებები

თბილისი

2014 წელი

1. ინსტრუქცია ელექტრონული ტენდერში მონაწილეთათვის

1.1 სახელმწიფო შესყიდვების ერთიან ელექტრონულ სისტემაში შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარეს 2011 წლის 7 აპრილის №9 ბრძანების შესაბამისად.

1.2 სატენდერო წინადადების წარდგენისათვის უნდა იყოს დარეგისტრირებული სახელმწიფო შესყიდვების ერთიან ელექტრონულ სისტემაში <https://tenders.procurement.gov.ge> მიმწოდებლის სტატუსით. შემდეგ ვალდებული ხარო გაეცნოთ აფიდავიტის პირობებს და დაეთანხმოთ მას (გაცნობას და თანხმობას ადასტურებთ სისტემის მეშვეობით).

1.3 1.2 პუნქტის გავლის შემდგომ, პრეტენდენტი ვალდებულია ჯერ წარმოადგინოს სატენდერო წინადადების უზრუნველყოფის ელექტრონული გარანტია, ხოლო შემდეგ გადაიხადოს ტენდერში მონაწილეობის საფასური.

1.4 სატენდერო წინადადების უზრუნველყოფის ელექტრონული გარანტია უნდა იქნას წარმოდგენილი სატენდერო განცხადებაში მითითებული სავარაუდო ღირებულების 1%-ის ოდენობით (ელექტრონული გარანტიის მოქმედების მინიმალური ვადა - არანაკლებ 160 კალენდარული დღე სატენდერო წინადადებების წარდგენის დაწყების ეტაპიდან). ტენდერში მონაწილეობის საფასური შეადგენს 50 (ორმოცდაათი) ლარს.

1.5 ელექტრონული გარანტიის წარდგენისა და საფასურის გადახდის სისტემაში არსებული ავტომატური საშუალებების გაუმართაობის შემთხვევაში, ყოველ კონკრეტულ ტენდერში, ელექტრონული გარანტიის წარდგენა და საფასურის გადახდა შესაძლებელია განხორციელდეს სააგენტოსთან შეთანხმებით, ტექნიკური დოკუმენტაციის სისტემაში ატვირთამდე სახელმწიფო შესყიდვების განხორციელების წესის შესახებ დებულებით გათვალისწინებული პროცედურების გამოყენებით. აღნიშნული ქმედებების განხორციელების გარეშე თქვენ არ გექნებათ სატენდერო წინადადების წარდგენისა და შესაბამისად, ტენდერში მონაწილეობის შესაძლებლობა.

1.6 მას შემდეგ, რაც ზემოაღნიშნულ ქმედებებს განხორციელებთ, თქვენ უფლება გაქვთ სისტემის მეშვეობით წარადგინოთ სატენდერო წინადადება.

1.7 სატენდერო წინადადება შედგება სატენდერო წინადადების ფასისგან და ტექნიკური დოკუმენტაციისგან.

1.8 ტექნიკური დოკუმენტაცია არის პრეტენდენტის მიერ სისტემაში ატვირთული შესყიდვის ობიექტისა და პრეტენდენტის შესახებ ნებისმიერი სახის ინფორმაცია, რომელიც მოთხოვნილია სატენდერო განცხადებითა და სატენდერო დოკუმენტაციით.

1.9 ტექნიკური დოკუმენტაციის ატვირთვის შემდეგ, თქვენ გაქვთ შესაძლებლობა მიუთითოთ თქვენი სატენდერო წინადადების ფასი.

1.10 სატენდერო წინადადების ფასის მითითებისთანავე თქვენ უფლება გაქვთ მიიღოთ მონაწილეობა ელექტრონულ ვაჭრობაში, რომელიც იყოფა ძირითად დროდ და დამატებით 3 რაუნდად.

1.11 ძირითად დროში უფლება გაქვთ ცვალოთ თქვენი ფასი, კლებადობის პრინციპის გათვალისწინებითა და შემსყიდველის მიერ განსაზღვრული ბიჯზე არანაკლები ოდენობით.

1.12 ბიჯი არის სატენდერო წინადადების ფასის კლების წინასაწარ განსაზღვრული მინიმალური ოდენობა, რომელიც მითითებულია სატენდერო განცხადების შესაბამის ველში.

1.13 დამატებითი რაუნდების თითოეულ რაუნდში პრეტენდენტს უფლება აქვს მხოლოდ ერთხელ შეამციროს წინადადების ფასი, რისთვისაც განესაზღვრება ორი წუთი. დამატებით რაუნდებში მონაწილეობა სავალდებულო არ არის და პრეტენდენტს უფლება აქვს რაუნდში მონაწილეობა არ მიიღოს და შესაბამისად, ძალაში დარჩება მის მიერ ბოლოს დაფიქსირებული ფასი. რაუნდებში მონაწილეობის მიღება გულისხმობს ზემოთ აღნიშნული პრინციპით ფასის შემცირებას ან მის იგივე ოდენობით დატოვებას.

1.14 დამატებით რაუნდებში მონაწილეობის უფლება აქვთ მხოლოდ იმ პრეტენდენტებს, რომლებმაც ძირითად დროში წარადგინეს წინადადება დადგენილი წესით. პირველ რაუნდში პრეტენდენტის მიერ წინადადების ფასის წარდგენის რიგითობა განისაზღვრება ძირითად დროში წარდგენილი წინადადების ფასის მიხედვით, კერძოდ, პირველ რაუნდში ბოლო შეთავაზებას აკეთებს ის პრეტენდენტი, რომელმაც ძირითად დროში ყველაზე დაბალი ფასი დააფიქსირა, ხოლო ყოველ მომდევნო რაუნდში - კი ის პრეტენდენტი, რომელმაც წინა რაუნდში ყველაზე დაბალი ფასი დააფიქსირა. წინადადების თანაბარი ფასების დაფიქსირების შემთხვევაში, რაუნდში ბოლო შეთავაზებას აკეთებს ის პრეტენდენტი, რომელმაც პირველმა დააფიქსირა ასეთი ფასი.

1.15 მას შემდეგ, რაც დასრულდება დამატებითი რაუნდები, სისტემა პრეტენდენტებს აჯგუფებს სატენდერო წინადადების ფასის მიხედვით. ამის შემდეგ შემსყიდველი ორგანიზაციის მიერ მოწმდება ყველაზე დაბალი ფასის მქონე პრეტენდენტის ტექნიკური დოკუმენტაცია.

1.16 იმ შემთხვევაში თუ ორი ან მეტი პრეტენდენტის მიერ სისტემაში მითითებულია თანაბარი ფასი, სისტემა ავტომატურად ანიჭებს უპირატესობას იმ პრეტენდენტს, რომელმაც პირველმა მიუთითა სატენდერო წინადადების აღნიშნული ფასი.

1.17 თუ პრეტენდენტის მიერ წარმოდგენილი ტექნიკური დოკუმენტაცია არ შეესაბამება სატენდერო განცხადებისა და სატენდერო დოკუმენტაციის მოთხოვნებს, შემსყიდველი მას განუსაზღვრავს გონივრულ ვადას ტექნიკური დოკუმენტაციის დაზუსტებისათვის. დაუშვებელია ტექნიკური დოკუმენტაციის ისეთი დაზუსტება, რომელიც გამოიწვევს სატენდერო წინადადების არსებით ცვლილებას და მოახდენს გავლენას წინადადების ფასზე.

1.18 იმ შემთხვევაში თუ ყველაზე დაბალი ფასის მქონე პრეტენდენტმა წარმატებით გაირა ყველა ზემოთ მოყვანილი ეტაპი (არ იქნა დისკვალიფიცირებული), შემსყიდველი დებს მასთან სახელმწიფო შესყიდვების შესახებ ხელშეკრულებას.

1.19 პრეტენდენტის დისკვალიფიკაცია ხდება შემდეგ შემთხვევებში:

ა) თუ პრეტენდენტი უარს აცხადებს მის მიერ წარმოდგენილ სატენდერო წინადადებაზე;

ბ) თუ საუკეთესო ფასის მქონე პრეტენდენტის სატენდერო წინადადება ან/და საკვალიფიკაციო მონაცემები არ შეესაბამება (მათ შორის, ტექნიკური დოკუმენტაციის დაზუსტების შემდეგ) სატენდერო განცხადებისა და სატენდერო დოკუმენტაციის მოთხოვნებს;

გ) თუ გამარჯვებული პრეტენდენტი უარს განაცხადებს ხელშეკრულების დადებაზე ან ვერ წარმოადგენს ხელშეკრულების შესრულების უზრუნველყოფის გარანტიას (ასეთი გარანტიის არსებობის შემთხვევაში) კანონმდებლობით გათვალისწინებულ ვადაში;

დ) პრეტენდენტის მიერ არაკეთილსინდისიერი ქმედების განხორციელებისას.

1.20 ამ ინსტრუქციის 1.2 ქვეპუნქტით გათვალისწინებულ შემთხვევებში, შემსყიდველ ორგანიზაციას უფლება აქვს მიმართოს ყველაზე დაბალი ფასის მქონე მომდევნო პრეტენდენტს, თუ ამ პრეტენდენტის მიერ სისტემაში ატვირთული ტექნიკური დოკუმენტაცია შეესაბამება სატენდერო განცხადებასა და სატენდერო დოკუმენტაციაში მოცემულ მოთხოვნებს.

1.21 „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარეს 2011 წლის 7 აპრილის №9 ბრძანების მე-2 მუხლის პირველი პუნქტის „ჟ“, „რ“ და „ტ“ ქვეპუნქტებით გათვალისწინებული ეტაპის შემდეგ ელექტრონული გარანტია უბრუნდება პრეტენდენტს, გარდა იმ შემთხვევებისა, როდესაც:

ა) პრეტენდენტი უარს იტყვის თავის სატენდერო წინადადებაზე;

ბ) პრეტენდენტი შეყვანილია შავ სიაში შესაბამისი ტენდერის ჩატარების შედეგად;

გ) პრეტენდენტი დისკვალიფიცირებულია „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარეს 2011 წლის 7 აპრილის №9 ბრძანების მე-13 მუხლის მე-2 პუნქტის „ბ“, „გ“, „ე“ და „ზ“ ქვეპუნქტების შესაბამისად.

1.22 იმ შემთხვევაში, თუ ელექტრონული გარანტიის პრეტენდენტისათვის დაბრუნება მოხდება ამ ინსტრუქციის 1.24 პუნქტით დადგენილი პირობების დარღვევით, პრეტენდენტი ვალდებულია სახელმწიფო შესყიდვების სააგენტოს დაუბრუნოს საგარანტიო თანხა შესაბამისი მოთხოვნისთანავე.

1.23 ელექტრონული ტენდერის შეწყვეტა:

ა) სატენდერო კომისიას უფლება აქვს შეწყვიტოს ტენდერი თუ ყველაზე დაბალი ფასის მქონე პრეტენდენტის დისკვალიფიკაციის შემდეგ, თუ მომდევნო ყველაზე დაბალი ფასის მქონე პრეტენდენტის წინადადების ფასი ბაზარზე შეცვლილი გარემოებების შედეგად, მნიშვნელოვნად აღემატება დისკვალიფიცირებული პრეტენდენტის მიერ შემოთავაზებულ ფასს ან/და ამ შესყიდვის ობიექტის საბაზრო ღირებულებას.

ბ) სატენდერო კომისიას უფლება აქვს ელექტრონული ტენდერის შემთხვევაში ხელშეკრულების დადებამდე ნებისმიერ დროს შეწყვიტოს შესყიდვის პროცედურა, თუ ეს აუცილებელი გახდება მისგან დამოუკიდებელი და წინასწარ გაუთვალისწინებელი ობიექტური მიზეზებით, აგრეთვე საქართველოს სახელმწიფო ან/და საზოგადოებრივი ინტერესებიდან გამომდინარე;

გ) შესყიდვის პროცედურების შეწყვეტის შემთხვევაში შემსყიდველი ორგანიზაცია ვალდებული არ არის, პრეტენდენტებს წარუდგინოს კონკრეტული მტკიცებულება ან დეტალური ინფორმაცია, რომლის საფუძველზედაც მიიღო ეს გადაწყვეტილება. შესყიდვის პროცედურების შეჩერებისას ან შეწყვეტისას შემსყიდველი ორგანიზაცია ვალდებული არ არის, აანაზღაუროს შესყიდვაში მონაწილეობასთან დაკავშირებული ხარჯები.

1.24 ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ქართულ ენაზე (შესყიდვის ობიექტის სპეციფიკური ტექნიკური აღწერილობა შესაძლებელია წარმოდგენილი იყოს ინგლისურ ენაზე).

1.25 დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.26 სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედადამული უნდა იყოს უფლებამოსილი პირის მიერ.

1.27 ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.28 პრეტენდენტს არა აქვს უფლება წარმოადგინოს ალტერნატიული წინადადება.

2. ტექნიკური მოთხოვნები, როგორც იურიდიული ასევე ფიზიკური პირებისათვის:
პრეტენდენტმა ტექნიკური დოკუმენტაციის სახით სისტემაში უნდა ატვირთოს შემდეგი დოკუმენტები და ინფორმაცია:

ა) პრეტენდენტის მიერ წარმოდგენილი უნდა იყოს: მომსახურების ერთეულის (ერთი თვის) და საერთო ფასი, მომსახურების საერთო ფასში გათვალისწინებული უნდა იყოს შესყიდვის ობიექტის მიწოდებასთან დაკავშირებული ყველა ხარჯი და საქართველოს კანონმდებლობით გათვალისწინებული გადასახადები;

ბ) მიმწოდებელს უნდა გააჩნდეს სამცხე-ჯავახეთის რეგიონში (ქ. ნინოწმინდის ტერიტორიულ საზღვრებში) მეტრულ ან დეციმეტრულ სიხშირეზე ტრანსლაციის ლიცენზია ან შესაბამისი ლიცენზიის გამოყენების უფლება (პრეტენდენტმა უნდა წარმოადგინოს აღნიშნულის დამადასტურებელი დოკუმენტაცია);

გ) პრეტენდენტს უნდა გააჩნეს: სატელევიზიო საქმიანობის სფეროში არანაკლებ 1 (ერთი) წლიანი გამოცდილება. პრეტენდენტმა უნდა წარმოადგინოს აღნიშნულის შესახებ ინფორმაცია და/ან დოკუმენტაცია (აღნიშნული წარმოსადგენი ინფორმაცია ხელმოწერილი უნდა იყოს პრეტენდენტის შესაბამისად უფლებამოსილი პირის მიერ);

დ) პრეტენდენტს უნდა გააჩნდეს მომსახურების გაწევისთვის საჭირო ტექნიკური აღჭურვილობა და კვალიფიციური პერსონალი (პრეტენდენტმა უნდა წარმოადგინოს აღნიშნულის შესახებ შესაბამისი ინფორმაცია ან დოკუმენტაცია);

ე) პრეტენდენტის დასახელება, იურიდიული და ფაქტიური მისამართი, საკონტაქტო ტელეფონის ნომერი და ელექტრონული ფოსტის მისამართი, საბანკო რეკვიზიტები, ხელმძღვანელის და საკონტაქტო პირის სახელი და გვარი.

3. მომსახურების გაწევის ვადა და ტექნიკური დავალება

3.1 შესყიდვის ობიექტია: შემსყიდველის მიერ დამზადებული საინფორმაციო გამოშვების (სომხურ ენაზე) ქ. ნინოწმინდის ტერიტორიულ საზღვრებში (სამცხე-ჯავახეთის რეგიონი) მეტრულ ან დეციმეტრულ სიხშირეზე ტრანსლირების მომსახურების შესყიდვა.

3.2 შესყიდვის ობიექტის მიზანია: ნაციონალური უმცირესობების ინტერესების დაცვა;

3.3 გადაცემის ეთერში გასვლის პერიოდია: 2014 წლის 17 მარტიდან - 2014 წლის 31 დეკემბრის ჩათვლით (9,5 თვე)

3.4 გადაცემის ფორმატი: - საინფორმაციო გამოშვება ნაციონალური უმცირესობების ენებზე;

3.5 გადაცემის ქრონომეტრაჟი: 10 - 15 წუთი;

3.6 გადაცემის ენა: - სომხური;

3.7 პერიოდულობა: - გადაცემა ეთერში უნდა გავიდეს კვირაში ხუთჯერ, ორშაბათიდან - პარასკევის ჩათვლით (შაბათ-კვირის გარდა) საღამოს საათებში (პრაიმ-ტაიმი) 20:00 საათიდან - 23:00 საათამდე პერიოდში (აღნიშნული დრო შესაძლებელია შეიცვალოს იმ შემთხვევაში, თუ საჭირო გახდება სხვადასხვა ობიექტური მიზეზით საეთერო ბადის ცვლილება, რის შესახებაც მიმწოდებელი უფლებამოსილია შემსყიდველთან წინასწარი შეთანხმების საფუძველზე გადაცემა ეთერში გაუშვას პრაიმ-ტაიმის სხვა პერიოდშიც (20:00 საათიდან - 23:00 საათამდე). დასაშვებია მიმწოდებელმა გადაცემა განმეორებით ეთერში გაუშვას დილის სატელევიზიო ეთერშიც.

3.8 შემსყიდველის დამზადებული ტელეპროდუქცია (საინფორმაციო გამოშვება - სომხურ ენაზე) სატელევიზიო ეთერში უნდა გავიდეს ყოველგვარი სარეკლამო ჭრის გარეშე.

3.9 გადაცემა მიმწოდებელს მიეწოდება ინტერნეტის, FTP საშუალებით;

3.10 მიმწოდებელმა უნდა უზრუნველყოს:

3.10.1 სატელევიზიო ეთერით, შესაბამის სამაუწყებლო ტერიტორიაზე გადაცემის ტრანსლირება.

3.10.2 პროგრამულ ბადეში განათავსოს შემსყიდველის მიერ დამზადებული შესაბამისი სატელევიზიო პროდუქცია და არ განახორციელოს პროგრამულ ბადეში შემსყიდველთან შეთანხმების გარეშე ისეთი სახის ცვლილება რომელიც დაკავშირებული იქნება გადაცემის ტრანსლაციასთან.

3.10.3 ტელეპროდუქციის ეთერში გაშვება განახორციელოს შემსყიდველის მიერ მიწოდებული ხარისხის შესაბამისად, ტექნიკური წუნის გარეშე.

3.10.4 მიიღოს ყველა ზომა, რათა დაიცვას საავტორო უფლება შემსყიდველის მიერ მიწოდებულ სატელევიზიო პროდუქციასთან მიმართებაში.

3.11 გადაცემის საავტორო და მომიჯნავე უფლებებთან დაკავშირებულ საკითხებზე სრული პასუხისმგებლობა ეკისრება შემსყიდველს.

3.12 შემსყიდველი მომსახურების გაწევის პარალელურად განახორციელებს შესყიდვის ობიექტის (გაწეული მომსახურების) პერიოდულ შემოწმებას, იმ შემთხვევაში თუ მომსახურების გაწევის პერიოდში აღმოაჩნდება გარკვეული ხარვეზები და მიმწოდებელი ვერ ან/არ უზრუნველყოფს აღნიშნული ხარვეზის გამოსწორებას შემსყიდველი უფლებამოსილია უარი განაცხადოს შესყიდვის ობიექტის მიღებაზე და მიღება-ჩაბარების აქტის გაფორმებაზე (შესყიდვის ობიექტი ჩაითვლება მიღებულად მხოლოდ მხარეთა შორის მიღება-ჩაბარების აქტის გაფორმების შემდეგ).

3.13 შესყიდვის ობიექტის შემოწმების პროცესში მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ხარვეზის აღმოფხვრა.

3.14 ანგარიშსწორება განხორციელდება ეტაპობრივად, მომსახურების გაწევის შემდეგ მხარეთა შორის მიღება ჩაბარების აქტის გაფორმებიდან 10 (ათი) დღეში, წინასწარი საავანსო გადახდა ელექტრონულ ტენდერში არ გამოიყენება.

3.15 სახელმწიფო შესყიდვის დაფინანსების წყაროა: სახელმწიფო ბიუჯეტი.

4. სახელმწიფო შესყიდვების შესახებ ხელშეკრულების პროექტი

ქ. თბილისი

ხელშეკრულება N

2014 წელი

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება ელექტრონული ტენდერის ჩატარების შედეგად. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

1. ხელშეკრულების დამდები მხარეები

ერთის მხრივ სსიპ „საზოგადოებრივი მაუწყებელი“ (შემდგომში „შემსყიდველი“) მისი გენერალური დირექტორის გიორგი ბარათაშვილის სახით და მეორეს მხრივ, _____ (შემდგომში „მიმწოდებელი“) მისი დირექტორის _____ სახით, „სახელმწიფო შესყიდვების შესახებ“ საქართველოს კანონის და „მაუწყებლობის შესახებ“ საქართველოს კანონის 33-ე მუხლის პირველი პრიმა მუხლის და პრეტენდენტის (მისი დასახელება) სატენდერო წინადადების საფუძველზე, ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე: შემსყიდველმა ჩაატარა ელექტრონული ტენდერი (SPA-----) სსიპ „საზოგადოებრივი მაუწყებლის“ სატელევიზიო პროდუქციის სამცხე-ჯავახეთის რეგიონში (ქ. ნინოწმინდის ტერიტორიულ საზღვრებში) მეტრულ ან დეციმეტრულ სიხშირეზე ტრანსლირების მომსახურების სახელმწიფო შესყიდვაზე (კლასიფიკატორის (CRV) კოდი №92220000 - სატელემაუწყებლო მომსახურებები) სახელმწიფო შესყიდვაზე რომელშიც გამარჯვებულად მიჩნეულ იქნა მიმწოდებლის სატენდერო წინადადება და მიმწოდებელმა აიღო ვალდებულება მიაწოდოს შემსყიდველს წინამდებარე ხელშეკრულებით განსაზღვრული მომსახურება.

1. ქვემოთ ჩამოთვლილი დოკუმენტები ქმნიან მოცემულ ხელშეკრულებას და წარმოადგენენ მის განუყოფელ ნაწილს:

- ა) წინამდებარე ხელშეკრულება;
- ბ) პრეტენდენტის მიერ წარმოდგენილი სატენდერო წინადადება და სატენდერო წინადადებაზე თანდართული ყველა სხვა დოკუმენტი;
- გ) სატენდერო დოკუმენტაცია;

2. ხელშეკრულებაში გამოყენებულ ტერმინთა განმარტებები

2.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.

2.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

2.3. „დღე“, „კვირა“, „თვე“ – კალენდარული დღე, კვირა, თვე.

2.4. „შემსყიდველი“ – ორგანიზაცია, რომელიც ახორციელებს შესყიდვას.

2.5. „მიმწოდებელი“ – პირი, რომელიც ახორციელებს შესყიდვის ობიექტის მიწოდებას ხელშეკრულების ფარგლებში.

3. ხელშეკრულების საგანი

3.1. სსიპ „საზოგადოებრივი მაუწყებლის“ სატელევიზიო პროდუქციის სამცხე-ჯავახეთის რეგიონში (ქ. ნინოწმინდის ტერიტორიულ საზღვრებში) მეტრულ ან დეციმეტრულ სიხშირეზე ტრანსლირების მომსახურების სახელმწიფო შესყიდვა.

3.2. ხელშეკრულებით გათვალისწინებული შესყიდვის ობიექტის აღწერა მოცემულია სატენდერო დოკუმენტაციაში.

4. ხელშეკრულების ღირებულება

4.1. ხელშეკრულების ჯამური ღირებულება შეადგენს ----- ლარს.

4.2. ხელშეკრულების ჯამური ღირებულება მოიცავს ხელშეკრულებით გათვალისწინებული შესყიდვის ობიექტის მიწოდებასთან დაკავშირებულ მიმწოდებლის ყველა ხარჯს.

5. ხელშეკრულების შესრულების კონტროლი

5.1 მიმწოდებლის მიერ ხელშეკრულებით ნაკისრი ვალდებულების შესრულების კონტროლს შემსყიდველის მხრიდან განახორციელებს - სსიპ „საზოგადოებრივი მაუწყებლის“ სპეციალურად უფლებამოსილი თანამშრომელი(ებ)ი.

6. გარანტია

6.1 მიმწოდებელი იღებს ვალდებულებას, რომ გაწეული მომსახურების ხარისხი უპასუხებს ხელშეკრულებით გათვალისწინებულ პირობებს და დააკმაყოფილებს შემსყიდველის მოთხოვნებს.

7. შესყიდვის ობიექტის მიღება-ჩაბარების წესი

7.1 გადაცემა ეთერში უნდა გავიდეს კვირაში ხუთჯერ, ორშაბათიდან - პარასკევის ჩათვლით (შაბათ-კვირის გარდა) საღამოს საათებში (პრაიმ-ტაიმი) 20:00 საათიდან - 23:00 საათამდე პერიოდში აღნიშნული დრო შესაძლებელია შეიცვალოს იმ შემთხვევაში, თუ საჭირო გახდება სხვადასხვა ობიექტური მიზეზით საეთერო ბადის ცვლილება, რის შესახებაც მიმწოდებელი უფლებამოსილია შემსყიდველთან წინასწარი შეთანხმების საფუძველზე გადაცემა ეთერში გაუშვას პრაიმ-ტაიმის სხვა პერიოდშიც (20:00 საათიდან - 23:00 საათამდე). დასაშვებია მიმწოდებელმა გადაცემა განმეორებით ეთერში გაუშვას დილის სატელევიზიო ეთერშიც.

7.2 გადაცემის ეთერში გასვლის პერიოდია: 2014 წლის 17 მარტიდან - 2014 წლის 31 დეკემბრის ჩათვლით (9,5 თვე)

7.3 შემსყიდველი მომსახურების გაწევის პარალელურად განახორციელებს შესყიდვის ობიექტის (გაწეული მომსახურების) პერიოდულ შემოწმებას, იმ შემთხვევაში თუ მომსახურების გაწევის პერიოდში აღმოაჩნდება გარკვეული ხარვეზები და მიმწოდებელი ვერ ან/არ უზრუნველყოფს აღნიშნული ხარვეზის გამოსწორებას შემსყიდველი უფლებამოსილია უარი განაცხადოს შესყიდვის ობიექტის მიღებაზე და მიღება-ჩაბარების აქტის გაფორმებაზე *(შესყიდვის ობიექტი ჩაითვლება მიღებულად მხოლოდ მხარეთა შორის მიღება-ჩაბარების აქტის გაფორმების შემდეგ).*

7.4 შესყიდვის ობიექტის შემოწმების პროცესში მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ხარვეზის აღმოფხვრა.

7.5 შესყიდვის ობიექტის ტექნიკური და ხარისხობრივი კონტროლი (შემოწმება) გაიმართება, მიმწოდებელი ორგანიზაციის წარმომადგენლების თანდასწრებით.

7.6 გაწეული მომსახურების შესრულების მიღება-ჩაბარება განხორციელდება შემსყიდველსა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით (შემსყიდველის მხრიდან მიღება-ჩაბარების აქტების გაფორმებაზე უფლებამოსილ პირს წარმოადგენს წინამდებარე ხელშეკრულების სპეციფიკური პირობების 5.1 მუხლში მითითებული პირ(ებ)ი.

7.7 მიღება-ჩაბარების აქტების გაფორმების პარალელურად მიმწოდებელი ვალდებულია წარუდგინოს შემსყიდველს შესაბამისი საგადასახადო დოკუმენტაცია (მოქმედი კანონმდებლობის შესაბამისად).

7.8 შესყიდვის ობიექტი ჩაითვლება მიღებულად მხოლოდ მხარეთა შორის მიღება-ჩაბარების აქტის გაფორმების შემდეგ.

8. ანგარიშსწორება

8.1 ანგარიშსწორება მოხდება ლარებში

8.2 გადახდის ფორმა - უნაღდო

8.3 ნგარიშსწორება განხორციელდება ეტაპობრივად მომსახურების გაწევის შემდეგ, მხარეთა შორის მიღება ჩაბარების აქტის გაფორმებიდან 10 (ათი) დღეში, წინასწარი საავანსო გადახდა ელექტრონულ ტენდერში არ გამოიყენება.

8.4 სახელმწიფო შესყიდვის დაფინანსების წყაროა: *სახელმწიფო ბიუჯეტი.*

9. ფასები

9.1 ხელშეკრულებაში განსაზღვრული ფასის ცვლილება დასაშვებია მხოლოდ შემდეგ შემთხვევებში:

ა) საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში (დაუშვებელია სახელმწიფო შესყიდვების შესახებ ხელშეკრულების ჯამური ღირებულების 10 %-ზე მეტი ოდენობით გაზრდა).

9.2 ფასების ცვლილების შესახებ ხელშეკრულების მხარემ უნდა შეატყობინოს მეორე მხარეს წერილობით, რომელიც თავის მხრივ უფლებამოსილია არ დაეთანხმოს აღნიშნულ ცვლილებაზე.

10. ფორს-მაჟორი

10.1. ხელშეკრულების, რომელიმე მხარის მიერ ხელშეკრულების პირობების შეუსრულებლობა არ განიხილება ხელშეკრულების პირობების დარღვევად თუ შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოებების შედეგი;

10.2. ამ ხელშეკრულების მიზნებისათვის ფორს-მაჟორი ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან მხარეების შეცდომებთან და დაუდევრობებთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, ეპიდემიით;

10.3. ფორს-მაჟორული გარემოების დადგომის შემთხვევაში მხარემ, რომლისათვისაც შეუძლებელი ხდება ნაკისრი ვალდებულების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

11. მხარეთა ურთიერთობა

11.1. ნებისმიერი ოფიციალური შეტყობინება მხარეთა შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს იგზავნება საფოსტო გზავნილის სახით;

11.2. შეტყობინება ძალაში შედის ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს.

12. ხელშეკრულების პირობების შეუსრულებლობა და ხელშეკრულების შეწყვეტა

12.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობების მოქმედების შეწყვეტის შესახებ.

12.2 მხარეები პასუხს აგებენ ამ ხელშეკრულებით გათვალისწინებული ვალდებულებების შეუსრულებლობის ან არაჯეროვანი შესრულებისათვის საქართველოს კანონმდებლობით დადგენილი წესით.

12.3 შემსყიდველი უფლებამოსილია, რომ მიმწოდებლის მიერ წინამდებარე ხელშეკრულების გათვალისწინებული სატელევიზიო პროდუქციის შეთანხმებული დროის (ეთერში განთავსების საათი) დარღვევით (მათ შორის 5 წუთზე მეტით როგორც დაგვიანების, ისე ნაადრევად) გაშვების შემთხვევაში, დააჯარიმოს მიმწოდებელი, დარღვევის პირველი ასეთი შემთხვევისათვის, 100 (ასი) ლარის ოდენობით, მეორე შემთხვევისათვის 500 (ხუთასი) ლარის ოდენობით, ხოლო მესამე შემთხვევაში, მოახდინოს აღნიშნული ხელშეკრულების შეწყვეტა, გარდა იმ შემთხვევებისა, როდესაც ეს გარემოებები გამოწვეული არაა მიმწოდებლის ბრალეულობით.

12.4 თუ მიმწოდებელი შემსყიდველთან დამოუკიდებელი მიზეზის გამო ცალმხრივად შეწყვეტს წინამდებარე ხელშეკრულებას, მას დაეკისრება პირგასამტეხლო სახელშეკრულებო თანხის საერთო ღირებულების 5 % ოდენობით.

12.5 გადახდის ვადის გადაცილების შემთხვევაში, მიმწოდებელი უფლებამოსილია დააკისროს შემსყიდველს პირგასამტეხლო, ყოველ ვადაგადაცილებულ დღეზე გადაუხდელი თანხის 0,1 %-ის ოდენობით.

12.6 პირგასამტეხლოს გადახდა არ ათავისუფლებს მხარეს ხელშეკრულებით ნაკისრი ძირითადი ვალდებულების შესრულებისაგან.

12.7 ხელშეკრულების დამდები მხარე, რომელიც მიიღებს 12.1 პუნქტით გათვალისწინებულ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი.

12.8 წინამდებარე მუხლით გათვალისწინებული საჯარიმო სანქციები ფორს - მაჟორულ გარემოებებზე არ ვრცელდება.

13. გადასახადები და ბაჟები

მიმწოდებელი პასუხს აგებს სამუშაოს შესრულებასთან დაკავშირებული ყველა იმ გადასახადის გადახდაზე, რომლებიც გადასახდელია საქართველოს ფარგლებში.

14. დამატებითი პირობები

14.1. მხარეები პასუხს აგებენ ხელშეკრულებით ნაკისრი ვალდებულებების შეუსრულებლობისათვის და/ან არაჯეროვანი შესრულებისათვის საქართველოს კანონმდებლობით დადგენილი წესით;

14.2. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ;

14.3. ხელშეკრულება შედგენილია თანაბარი იურიდიული ძალის მქონე 2 (ორი) იდენტურ ეგზემპლარად, თითო ყოველი მხარისთვის.

15. მხარეთა რეკვიზიტები:

“შემსყიდველი“

“მიმწოდებელი“

მისამართი: ქ. თბილისი; კოსტავას ქ. №68

საიდენტიფიკაციო კოდი: 204 858 163

საბანკო რეკვიზიტები:

სახელმწიფო ხაზინა

ანგარიშის № 200 122 900

ბანკის კოდი: TRESGE22

გენერალური დირექტორი

გიორგი ბარათაშვილი